

中國地方志薈萃

西南卷·第六輯

貳

《中國地方志薈萃》編委會
編



九州出版社
JIUZHOU PRESS

全國百佳圖書出版單位

雍正呈貢縣志

出版說明

雍正呈貢縣志

（清）朱若功修

戴天賜等纂

本書四卷，據清雍正三年（一七二五）刻本影印。

呈貢縣志序

郡邑之有志書猶國之有史國無史無以昭法戒而郡邑之志亦如之何也城池猶是土田猶是社稷人

序一

民猶是雖規模之大小不同其事事責望於長民者則一也卽以呈貢論合民丁屯丁不過二千三百一十四丁糧不過四千石零

地方僅五六十里官無高

堂廣廈之庇民無千倉萬箱之積可謂邑小而貧者矣然而官長居然民上仁暴惟爾寬猛惟爾老者待

序二

爾以安少者待爾以懷衣食待爾以足教化待爾以興德亦惟爾否亦惟爾郡邑之視國都有大小無異同也然則脩志書以昭法

戒蓋可忽乎哉方今

聖天子在上

神靈天縱聲教所訖無遠弗屆

猶復

留心邊徼慎簡循良俾君事

序三

視身國事視家於是予自

昆明來於今二年矣尋討

志書屢次脩輯從無刻本

予從簿書之暇重加考訂

其凡例多從舊志但紀事

務從其實論人必求其當

擯邪說崇正學凡有益於

蒼生有關於名教者尤三

致意凡四卷始於圖攷訖

於藝文綱舉目張一目了然

序四

然則見夫戶口之未復風

俗之未醇而惕然於教養

之無具見夫學校之不脩

人文之不振而皇然於師

法之不立雨暘不時何以

順之災祲見告何以消之
神何以享人何以治星辰何
以秩序川嶽何以效靈忠
孝節烈何以接跡而起顧
名思義觸目警心志書之

序五

義例卽長民之法戒也可
不慎歟爰是付之剞劂以
告天下之爲人牧者因以
自省云

雍正三年歲次乙巳仲秋

月吉旦

賜進士出身文林郎呈貢縣
知縣紀錄三次武義朱若
功撰



序六

序

余惟天下之大無異一

家一人荒服猶畿甸也

邊民猶中土也雲南去

京師萬里自元以來始入

序一

版圖猶後叛服不常唐

宋之前羈縻而已我

國家文德武功超越前代

幅幘之廣生齒之繁財

賦之饒人才之盛竝非

前明可及閱通志班班

可考也然而日久弊生

未免顧此遺彼我

皇上龍飛之元年余奉

特簡督理饑政竊以滇之丁

序二

條不及江南一大邑每

年軍餉多取給於中原

惟茲自然之利若不爲

之調劑得宜將無以裕

國帑而紓

聖天子西顧之憂不寧惟是

天下之大事在理財用

人洪範八政師爲之終

軍興以來度支告匱矣

軍民雕敝矣狡兔恃其

序三

巢穴將有厝火積薪之

虞余受

恩獨重何事不當盡力而

顧視此一方民不爲區

畫盡善非所以上答

聖恩下安黎庶也不逾時又

奉

俞旨特晉滇藩責任愈重則

報稱愈難矣受事以來

夙夜祇懼仰而觀俯而

序四

察凡戶口之增減田賦

之盈虛以及城郭山川

農桑學校無一不瞭若

指掌害至而爲之備患

至而爲之防三年中殫

思竭慮不遺餘力而全省情形久矣在目中矣尤幸

督撫

兩憲皆大仁人大君子而共事諸公亦復同寅

序五

協恭因得相與有成方思積有明效著爲太平一統全書以上報

聖天子寵遇之恩而百務叢集刻無寧晷未遑也適

呈貢朱令纂脩邑志書成請序於余余閱其凡例自圖攷以迄藝文綱舉目張井井有條爲

序六

國家固封守爲倉庫謹管

簫治民事神微顯闡幽一舉而數善備焉志之脩也顧可少乎哉雖然呈貢一小邑耳地方不過五六十里其間名山

大川之所流峙與夫忠
臣孝子之所鍾毓夫寧
有幾乃朱令近搜遠討
惟恐不及若是況大於
此者乎近奉

序七

天子威命斥地數千里遠而
西海近而威元易土而
流同登衽席此其疆域
遼濶規模弘遠視呈貢
奚啻什伯則所以鋪揚

盛軌鼓吹休明者又當
何如其以是爲造端可
也因爲之序以弁其簡
首
皆

序八

雍正三季歲在乙巳季
夏下澣良旦

欽命雲南等處承宣布政使
司布政使加五級紀錄
四次李衛撰



序

滇僻處西南隅漢始表
以銅柱宋旋劃以王笄
故其往事史每畧而不
書滇且然何有於屬邑

序一

金

今日者

聖天子文德誕敷武功赫奕
窮覆極載莫不尊親式
廓幅員從古未有而距
滇西界千有餘里曰中

甸不事招徠納土內附

制撫兩憲具疏以

聞允其請

兩大憲仰體

皇上柔遠至意建官置郡撫

序二

江

育而安集之筆諸史書
千秋盛事夫殊方異域
悉登版圖而近在邦域
之中有人民有社稷顧
可擯諸不議不論之列

耶如呈貢是已呈貢去
會城咫尺襟水枕山儉
於百里宰其邑者爲朱
令自昆明調移以解牛
手試之割雞予固知其
游刃有餘也夫邑雖小
一國之規模具焉令雖
卑六卿之權衡寓焉張
弛視乎材損益審乎時
寬嚴因乎地無所考據

而憑臆以施南轅北轍
其不至顛躓也幾希若
朱令則可謂知務矣日
進弟子員論文講學尤
兢兢以敦倫相勗勉而
邑中之以孝廉節義著
者已建坊則增飾之未
旌表則爲文而鐫諸石
凡所設施罔執已見慮
於時弗協於地弗宜也

爰索邑志而考証之舊志係抄本迄無成書於是仍其草創繁者刪缺者補舛鄙者潤色而邑志成志成而丐予爲序

予以爲邑有志所以紀民事昭

國典勵官箴杞宋雖小文獻攸關固不得以呈貢彈丸邑而闕焉弗講也

朱令博採旁搜資諸衆論提綱挈領斷以心裁俾邑之流風善政逸事遺文釐然具載由是而考其人物之盛衰核其賦役之盈縮別其祀典之貞淫察其關隘之險易辨其習俗之醇薄稽其疆井之廢興而因地制宜因時舉政則邑令

固六卿之具體而邑志
非千秋之懸鑒也哉朱
令以優於學者敷之政
以敷之政者筆於書呈
陽之邑志朱令之治譜

序七

江

也予不禁走筆而樂爲
之序

皆

雍正三年歲次乙巳季

夏日吉旦

賜進士出身通議大夫特

授雲南等處提刑按察

使司按察使加三級紀

錄十次漢江江芭撰

序八

江



序

士君子官於一方則此
一方之山川土田人物
地產以及一切典禮制
度皆當熟悉而周知蓋

序一



山川有險彛而利害生
土田有肥瘠而上下辨
人物爲觀感興起之由
地產爲利用厚生之本
而典禮制度爲推行教

序二



化之原假令無籍可稽
則因地制宜之政於何
而出此志書之所爲作
雖百里之治不容或闕
也柰何俗吏不察簿書

期會而外問之懵然不
知也否則雖知之亦且
聽其殘缺失次以爲未
暇及此也嗚呼誠未暇
及此也我不知其何所

本以爲治乎滇省舊有
通志凡十九郡之山川
土田人物地產以及一
切典禮制度皆瞭如指
掌不可謂不詳然以通

省論之則爲詳而以各
郡分考之則已畧各郡
亦舊有志矣而雲南府
其首也凡十一屬之山
川土田人物地產以及

一切典禮制度皆瞭如
指掌亦不可謂不詳然
以通府論之則爲詳而
以各州縣分考之又已
畧若是乎省有通志郡
有府志正不得謂一州
一縣之地可以無志也
可以有志而聽其殘缺
失次也呈貢爲雲南府
屬縣之一自地併歸化